

LETTRE

DE

MONSEIGNEUR

LE CARDINAL

du Perron.

*A MONSEIGNEUR**le Prince.*

A PARIS,

Chez PIERRE CHEVALIER
rue S. Jacques à l'Image S. Pierre
prés les Mathurins.

M. DC. XIV.*Avec permission.*

LETTER

DE

MONSIEUR

LE CARDINAL

DE NOIX

MONSIEUR

LE CARDINAL

PARIS

CHER PIERRE CHÉVALIER

2. Jacques II. 1702. 1703.

1704. 1705. 1706.

1707. 1708. 1709.

1710. 1711. 1712.



LETTRE DE
MONSIEUR
LE CARDINAL
du Perron.

A MONSIEUR
le Prince.



MONSIEUR,

L'affection que j'ay à
vostre service, & l'hô-
neur qu'il vous a plu me faire de
m'aduerter devos loüables desseins
pour le bien du Roy & du Royau-
me, m'obligent de prier Dieu que

l'yssuë en soit autant heureuse, que la propositiō en est plausible. Il est vray que c'est chose que j'ose moins esperer que desirer, si vous demeurez cependant esloigné de leurs Majestez, & ne les assistez aussi biē de vostre presence que de vos conseils. Il n'y a si parfaict gouvernement d'Estat, & principalement sous la minorité des Rois, qui puisse plaire à tous, & où il ne se trouue quelque chose à redire. Mais comme vn ancien a prudemment escrit, qu'il n'y a point de si mauuais Prince qui ne vaille mieux qu'une guerre ciuile: Ainsi peut-on dire du regime des Estats, qu'il n'y a point d'administration quelle quelle soit, qui ne vaille mieux qu'une discorde ciuile. Je sçay que vos intentions en sont fort éloignées; mais ie sçay aussi que les suc-

cez sont souuent fort éloignez des intentions. Il se fera plusieurs rapports de vous à la Reyne, & de la Reyne à vous, qui estant present seront nuls, estant absents s'aigriront par les chemins, & vous rempliront les esprits de soupçons. Et vous mesmes ne scauriez empescher que plusieurs vous voyant separé de la Cour, & croyans que vostre separation procede de mescontentement, ne se seruent de l'ombre de vostre nom pour troubler la tranquillité publique. Messieurs vos predecesseurs ont tousiours eu beaucoup plus d'heur & de contentement quād ils ont esté aupres des Roys & à la Cour, qui est le Ciel où tels astres doiuent luire, que quād ils en ont esté esloignez. Et neantmoins jamais aucū d'eux n'y a plus eu de part, ny en autorité, ny en

graces & faueurs de leurs Majestez que vous auez eu jusques icy; s'estant la bonté de la Reyne, qui a tousiours essayé de donner contentement à chacun, particulièrement pleuë & estudiée à rechercher tous moyens de vous obliger. Vos vtilles aduis de reformation s'executeront trop mieux quād vous ferez aupres d'elle, pour luy aider à y tenir la main, que quād vous ferez en lieu où vostre absence interpretée à mescontentement, fera prendre vos bonnes intentions pour pretexts. La France a la memoire si recente, & est encore si lasse de la misere des troubles passez, que le premier article de toute reformatiō doit estre l'entretien de la paix; de la rupture de laquelle si ceux à l'ocasiō de qui elle a esté rompuë les autres-fois, eussent peu voir les


suites peintes en vn tableau, & s'i-
 maginer à combien de malheurs
 d'Estat & de Religion, ils ont ou-
 uert les portes, & quelles maledi-
 ctions de Dieu & des hommes ils
 ont encouruës; ils eussent mieux
 aimé se jeter eux mesmes dedás le
 feu, que d'estre causes de l'ébrase-
 ment de leur patrie. Je ne vous re-
 presente point ces choses, comme
 dourant que ne les ayez en assez
 grande horreur; vostre bon natu-
 rel & vostre zele au bien de la Reli-
 gion & du Royaume en donnent
 trop d'assurance: Mais afin de
 vous supplier de prédre garde que
 plusieurs esprits turbulents & desi-
 reux de nouveauté, n'abusent de
 l'occasion de vostre éloignement
 pour allumer vn feu qu'il sera plus
 facile de preuenir que d'esteindre;
 mais qui en fin cuira plus à ceux

qui l'allumerôt, qu'à aucũs autres.
 Car Dieu qui protege ſeparement
 les cauſes des Roys, des Vefues &
 des Orphelins, les protegera enco-
 re plus puiſſammēt quand elles ſe-
 rôt conjointes toutes trois enſem-
 ble; Et vous meſme ſerez le pre-
 mier à expoſer voſtre vie pour leur
 defence. Je le prie qu'il n'en ſoit
 point de beſoin, & vous de me
 tenir,

Monſieur, pour

Votre tref-humble &
 tref-affectionné ſerui-
 teur I. CARDINAL
 DV PERRON.

De Paris ce 3. Mars 1614.



Digitized by the Internet Archive
in 2010 with funding from
University of Ottawa

